



*Senin, 07 Maret 2022*

**Ogen: Esekiel 32:1-16**




**Buaya Erlagak Singa**



**N**egri Mesir eme negri si tuhu-tuhu mbelin bas masa si nai. Selaku bukti kinimbisanna, ibahanna melala patung-patung si jadi lambang kuasa ras pemerintahenna. Termasuk pe patung singa. Sabap banci jadi rupa singa ipilihna erkiteken singa e igelari pe raja hutan. Jadi Mesir mpeseri bana ras raja. Ngatakenca makana ia raja bas doni enda. Tapi i bas pengidah Tuhan, Mesir enda labo lebihen asangken buaya si erbuni-buni i bas lau, nidingi kalak siman jerngemenna, janah biak buaya e jine buas, ncedai ras erbahan melket.

Erkiteken kesombongen ras perbahanen Mesir man bangsa Israel, Tuhan erpadan lako engkernepken bangsa enda. Sebab tupung Tuhan mpersingetti bangsa Israel gelah jera ope lenga ibuang ku Babil ras Asyur, Mesri menawarkan diri guna ngkapiti bangsa e i bas serangan Asyur ras Babil nari. Kai siibahanna ras siijanjikenna man bangsa Israel mahanca bangsa enda kebenen arah, ernalem lanai man Tuhan tapi man kuasa manusia. Iakap Mesir jagon ia asangken Dibata. Tapi labo ise pe banci ngganjangi Tuhan, janah kai siikatakenNa pasti jadi. Iteruh keadilan Dibata, subuk Israel si la patuh, bagepe Mesir si megombang pe kena pengukumen i bas Dibata nari.

Si jadi persinget man banta, gelah ola siakap enda banci nelamatkan kalak la arah Kata Dibata, ntah pe alu gegehta jine. Adi sibabai kalak kubas dalam si papak, janah kita jadi babah iblis bas mempromosiken kerincuhen doni enda, e labo ngena ate Tuhan bicara kai pe alasenna. Kalak simabai temanna ndabuh kubas dosa, labo nahangen ukumenna asang si ndabuh kubas dosa e, tapi beraten pe. Ernalemlah kita man Tuhan maka sialoken pasu-pasuNa. Asangken erlagak jadi singa, padian me kita jadi biri-biri, la megegeh tapi lit si negu kita ndatken kemalemen ate si tuhu, ndauh ibas pengukumen nari. Ia me permakanta, Yesus Kristus si erkuasa.

 Ola akapndu pentar kam lebih asa patutna.